



## (Rewo), „Lucija“: Nowe lěto – nowe struktury

**W** někajkej mudrej knize sym raz čitał: „Wšitko ma so změnić, zo móhto wostać kaž je“. To spodźiwnje klinči, we wšědnym žiwjenju pak je to dospołnje normalne. W telewiziji změnja sćelaki prawidlownje swój logo, nowiny swój layout, rozhtós nowe jingle, ludžo doma přebarbja swoje domy abo rumnosće, wowka wuspyta w zahrodce nowe družiny kwětkow – a tola wostanje „wobsahowje“ wšitko při starym. Haj, někak žedzi so naša towaršnosť po wšem zdaću za nowymi, inowatiwnymi a modernymi idejemi a wunamakankami, zo móhli so dale wuwić, takrjec žiwjenje „updatować“. Lědma něchtó pak so zmuži, swoje žiwjenje woprawdže kompletnje na hłowu stajić a cyle znowa započinać ... chiba, zo će něchtó abo něšto k tomu nuzuje!

Tež w našej medijowej etaži w Serbskim domje so lětsa tójšto změni: mamy nowych kolegow, naše produkcijske a wukubłanske studija maja so z nowej techniku wuhotować a nowe serbske „medijowe formaty“ maja so wuwić. Wulke wužadanja na nas čakaja: inowatiwne džětarnički, medialne eksperimenty, technologiski labor, moderne produkcijske rumnosće. To budže cool dyrdomdej!

**LUCIJA** rěka naš nowy konstrukt – kaž w swoim času prawopica, z kotrejež je so pozdžišo pječa čłowjestwo wuwiło. A što budžemy činić? Wopytamy na př. serbske kubłanišća zo bychmy džěći, personal, šulerjow ale tež wučerjow na polu medijow wukmanili abo kubłali. Zhromadnje z projektom **DigiDom** budžemy z poľnej paru dale na polu rěčneho spóznananja slědžić. Naše techniske wuhotowanje zmóžnja nam nowe móžnosće medijowych produkcijow, na přikład nahrawanja w 4K-kwaliće z mobilnej režiju. W zwukowymaj studijomaj maja swójske serbske poskitki nastać kaž podcast, tutorije, wuknjenske aplikacije, Kahoot-kwisy, digitalne časopisy, YouTube-kanale, Lan-party, Web 4.0, robotika, Tiktok-přinoški a tójšto dalších zajimawych wěcow.



Nowe na tym poprawom scyła ničo njeje. Chcemy pak docpěć, zo so medije w našich kubłanišćach hišće bóle a zmystapočnišo zasadžu a tež serbskorěčne produkcije we wšědnym žiwjenju tróšku wjace přesadza. Docpějemy pak to jenož zhromadnje! Tuž přeprosamy kóžděho z łužicy, zo so sobu angažuje. Natočće krótke filmy, pisajće mudre teksty, komponujće, rymujće, molujće, programěrujće ... a šěrće to w syčach a socialnych medijach. My was rady w kóždějkuli formje při tym podpěramy. **LUCIJA** budže sebi za was noze wotběhać!



## NAŠA NOWA KOLE- GINA:



**rěkam:** Milenka Rječcyna

**sym:** mać, wowka, žurnalistka, medijowa managerka

**mam rady:** džěći, kotrež su šibałe; młodostnych, kotrež su wólberne

**njerady mam:** spinat

**što rady činju:** so smjeć, teksty pisać, pryzłojće ideje wuwiwać, bjesadować, płuwać, bajki bać, ze swojimi wnučkami so pleńčić, swojeju staršeju wopytać, ze svojim mužom z kwadrom jězdzić, ze swójbju swječić, so z přečelemi zetkać

**što aktualnje rady chcu:** programěrować nawuknyć

**štož scyła nochu:** so wadzić

